

## **Universitätsbibliothek Paderborn**

**Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

I. Disputatur de Auctore libri Job. Variae opiniones proponuntur.

**urn:nbn:de:hbz:466:1-16260**

## DE LIBRO JOB.

I. *Disputatur de Auctore libri Job. Varie opiniones proponuntur.* II. *Mosè adscribitur.* III. *Probatur argumentis.* IV. *Vera est historia Jobi, sed poëtice digesta.* V. *Probatur libri Job syncreticæ & antiquitas.* VI. *Disputatur de clausula, que habetur ad calcem libri Job in editionibus Septuaginta Interpretum.* VII. *Disputatur de ætate Jobi.* VIII. *Refelluntur argumenta Adversariorum.* Primum argumentum. IX. Secundum argumentum. X. Tertium argumentum. XI. Quartum argumentum. XII. Quintum argumentum. XIII. Sextum argumentum. XIV. Septimum argumentum. XV. Octavum argumentum. XVI. Nonum argumentum. XVII. Decimum argumentum.

I. **Q**ui de libro Jobi differuerunt Codicum sacrorum Interpretes, cum de *Disputatur operis Auctore moverunt quæstionem*, in varias ac multiplices diversi sacerdotis Auctore libri Job. *Variæ opiniones* adscripserunt Jobo ipso, aut Jobi amicis, his permoti Jobi verbis: *Quis mihi tribuat ut scribantur sermones mei? quis mihi det ut exarentur in libro, style ferre, & plumbi lamina, vel celte sculptantur in silice?* & ipsis quoque: *Quis mihi tribuat auditorum, ut desiderium meum audiat Omnipotens, & librum scribat ipse qui judicat: ut in humero meo portem illum, & circumdem illum quasi coronam mihi?* Hanc sententiam defendunt Origenes, Gregorius magnus, & Suidas. Sunt qui à Jobo, ipsiusve amicis Syriace scriptum, à Mose redditum Ebraice, & aliquot additamentis auctum opinentur: quorum familiam dicit Auctor prioris Commentarii in Jobum, qui Origeni tribuitur; illa adductus clausula qua in Graeca editione finem imponit Libro, & è Syrorum lingua conversum eum fuisse docet. Mosèm plerique, non Interpretem, sed Libri auctorem agnoscunt; Gregorius Nazianzenus Salomonem, uti quidem de eo scribit Polychronius, & alii bene multi. *Quam sententiam Lutherus demum amplexus est.* At Origenes Mosèm negat plus quam quinque libros reliquiss. Alicui è Prophetis librum Jobi tribuunt quidam. Idumai Propheta fœtum esse suspicatur Philippus Codureus, sed multo magis inclinat ut ab Isaia profectum dicat: cuius sententia causas habet, partim acutas quidem, at futilem tamen & leves, partim vanas penitus & inanes. Nonnulli etiam alicui ex Ebrais Babylone captivis assignant. Grotius Ezechiele quidem vetustiorem Libri scriptorem arbitratur, quicunque tandem fuerit, quod Jobi mentio apud Ezechielem extet; at Davide & Salomone recentiorem, quod ex horum scripturis pleraque illuc translata agnosci possint; videri autem habuisse propositum posteros Esaï à Babylonii tranportatos hoc exemplo ad verum Dei cultum retinendum, & adversa constanter ferenda excitare. Fridericus Spanheimus, qui Jobi historiam accurate nuper & eruditè prosecutus est, à Jobo quidem, aut Jobi amicis res in adversaria primum fuisse lingua patria relatas existimat, Arabica nimirum, seu Syriaca veteri, & ex iis demum circa Davidis aut Salomonis tempora ab homine Ebraeo conflatam eam quam habemus historiam. Quodam etiam refert R. Levi ben Gerson postrema undecim Libri hujus capita in *vobis* suspicionem vocasse, propter notulam ad tricesimi primi capituli calcem adtextam, qua illic desissit sermones Jobi significatur. Quasi omnium sermonum Jobi, non colloqui solum cum tribus amicis, Baldado, Sophare, & Eliphazo finis hac clausula designetur.

II. In hac opinionum varietate, quam peperit vetustas Libri, ac rei obscuritas, *Mosè adscripsit* cum vix quicquam nobis pro certo definire liceat, suspicções nostras ac conjecturas *būnr.* in medium afferemus. Librum scripsisse Mosèm ad solatum Israëlitica gentis, cum Ägyptiorum tyrannide premeretur, mihi sane videtur perquam probabile. Ea est Thalmudistarum sententia in Baba batra; ea R. Davidis Kimchi, & Rabbinorum *Thalm. in Bab. complurium.* Eamdem amplexus est Auctor posterioris Commentarii in Jobum, qui *barr. cap. 1.* Origenis sibi nomen prescriptum, eamdem Methodius apud Photium, Polychronius, Phot. Cod. 335, & Julianus Halicarnasseus apud Nicetam in Catena in Jobum; eamdem denique Recentiores bene multi. Id ipsum sensisse Hieronymum discas ex ejus Epistola ad Paulinum, in qua Libros sacros recentens, Pentateucho Jobi librum subjicit, posthabito etiam libro Iosuæ; quo ejusdem esse utrumque & Auctoris & ætatis significerat.